

【四弘誓願】（科註第八七五頁第七行）

《佛學大辭典》：（術語）梵語僧那，譯曰誓願。諸佛有總願別願，四弘誓願為總願，一切菩薩初發心時，必發此願。以所願廣普故曰弘，自制其心故曰誓，志求滿足故曰願。緣四真諦而發此四願也。止觀大意謂：

一眾生無邊誓願度，是緣苦諦而度無邊眾生之願也。

二煩惱無數誓願斷，是緣集諦，而斷無盡煩惱之願也。

三法門無盡誓願學，是緣道諦，而學無盡法門之願也。

四佛道無上誓願成，是緣滅諦，而成無盡佛道之願也。

往生要集上末曰：「一眾生無邊誓願度，二煩惱無數誓願斷，三法門無盡誓願知，四無上菩提誓願證。」

心地觀經七曰：「一切菩薩復有四願成就有情住持三寶，大海劫終不退轉。云何為四：一者誓度一切眾生，二者誓斷一切煩惱，三者誓學一切法門，四者誓證一切佛果。」